

**ETIČKI KODEKS**  
**UDRUŽENJA FORENZIČKIH REVIZORA U BOSNI I HERCEGOVINI**

**OSNOVNE POSTAVKE**

***Društvena promjena***

Vjerujemo da je društvena promjena osnova našeg rada. Ideje kojima se vodimo, su usmjerene na dobrobit veće grupe ljudi i društva u cjelini.

***Poštovanje ljudskih prava***

Vjerujemo da svi građani i građanke imaju ista ljudska prava. Podržavamo primjenu relevantnih međunarodnih dokumenata o ljudskim pravima, a posebno Evropske konvencije o ljudskim pravima.

Vjerujemo da društvo treba da teži da obezbjedi ravnopravne mogućnosti za sve bez obzira na pol, rasnu, etničku i religioznu pripadnost, socijalno porijeklo i društveni status, obrazovanje, starost, fizičke i psihičke sposobnosti, seksualnu orijentaciju ili bilo koju drugu ličnu osobinu.

***Aktivizam***

Vjerujemo da svako ima ličnu odgovornost prema društvu, koja se odražava kroz aktivno zalaganje za vrijednosti koje poštujemo i djelovanje za društvenu promjenu koju želimo da postignemo.

***Odgovornost***

Kao nevladine i neprofitne organizacije odgovorni smo za svoj rad i rezultate javnosti, našim korisnicima i partnerima, zajednicama u kojima radimo.

## PRINCIPI RADA

### ***Primjenjujemo vrijednosti u praksi***

Ideje o društvenoj promjeni za koje se zalažemo odražavaju se u praksi kroz način na koji radimo da bismo ostvarili svoje ciljeve, kroz strukturu organizacija, procedure i pravila rada, odnos prema osobama koje angažujemo i zapošljavamo, volonterima, građanima, partnerima i promovisanje u javnosti.

Istinito prikazujemo informacije vezane za naš rad, aktivnosti i rezultate.

### ***Nezavisni smo***

Nezavisni smo u odlučivanju i ostvarivanju svojih ciljeva, aktivnosti i programa.

Ne prihvatamo obaveze prema bilo kojem pojedincu, organizaciji, instituciji ili političkoj partiji ukoliko one mogu uticati na nezavisnost u donošenju odluka.

Uspostavljamo procedure i pravila za rad koje sprečavaju donošenje odluka koje nisu u skladu sa našim vrijednostima ili ne doprinose društvenoj promjeni koju želimo da postignemo.

### ***Poštujemo zakon***

Odgovorni smo vladavini zakona u državi u kojoj radimo kroz poštovanje zakona, propisa i međunarodnih ugovora koji se primjenjuju u Bosni i Hercegovini.

Ukoliko se ne slažemo za zakonima, ne kršimo ih, već aktivno djelujemo da ih promijenimo.

### ***Obezbjeđujemo najviši kvalitet upravljanja***

Posvećeni smo stalnom unapređivanju dobrih praksi u upravljanju našim radom.

Smatramo da nezavisna i volonterska tijela, poput Upravnih i Nadzornih odbora imaju važnu ulogu u odlučivanju i nadgledanju naših aktivnosti, rada i rezultata.

Za članove/ce Odbora biramo kompetentne, odgovorne i nezavisne osobe.

### ***Imamo jasne politike konflikta interesa***

Svjesni smo da svako od nas može, u okviru svakodnevnog posla, doći u situacije u kojima se sukobljavaju različiti interesi.

Ulažemo napore i uspostavljamo procedure da sve postojeće i potencijalne sukobe interesa na vrijeme prepoznamo i spriječimo, odnosno korigujemo tako da ni u jednoj situaciji ne nanese štetu organizaciji, našim korisnicima, partnerima i saradnicima.

### ***Naš rad je javan***

Smatramo da smo za naš rad odgovorni građanima i građankama Bosne i Hercegovine.

Zato sve aspekte našeg rada činimo dostupnim javnosti — bilo da je reč o aktivnostima, rezultatima ili finansijskim sredstvima.

### ***Profesionalni smo u obavljanju aktivnosti***

Posvećeni smo stalnom unapređivanju kvaliteta našeg rada.

Angažujemo kompetentne osobe, ažurni smo, informisani i poštujemo principe dobre komunikacije.

Ispunjavamo obećanja i obaveze koje preuzimamo i ne preuzimamo obaveze za koje nismo sigurni da možemo da ih ispunimo.

### ***Principijelni smo u prikupljanju sredstava***

Pri prikupljanju sredstava vodimo računa o ciljevima, programima i realnim potrebama i kapacitetima organizacije.

Zato apliciramo samo za sredstva i aktivnosti koji su u skladu sa našim ciljevima i programima i koje možemo kompetentno i kvalitetno da obavljamo.

### ***Odnos prema sredstvima koja su nam povjerena***

Odnosimo se odgovorno prema sredstvima koja su nam povjerena.

Pažljivo upravljamo finansijama i vodimo računa kako o efikasnosti tako i o efektivnosti.

### ***Poštujemo ljude koji rade***

Poštujemo prava naših zaposlenih i interna dokumenta, pravila i procedure formiramo tako da su u skladu sa relevantnim međunarodnim i nacionalnim dokumentima o poštovanju ljudskih prava.

Tretiramo zaposlene i volontere sa poštovanjem i dostojanstvom, vodimo računa o zdravlju i socijalnoj sigurnosti, ulažemo u njihov razvoj i omogućavamo da iskoriste potencijale, trudimo se da adekvatno nagradimo njihov trud.

### ***Cjenimo korisnike***

Prema ljudima sa kojima radimo odnosimo se profesionalno, ljubazno, pristojno i pošteno, sa poštovanjem i dostojanstvom.

Imamo jasnu komunikaciju i otvoreni smo u vezi toga šta možemo i šta ne možemo da uradimo.

Uključujemo ih u odluke koje donosimo.

Ne pravimo razliku među njima bez obzira na bez obzira na pol, rasnu, etničku i religioznu pripadnost, socijalno porijeklo i društveni status, obrazovanje, starost, fizičke i psihičke sposobnosti, seksualnu orijentaciju ili bilo koju drugu ličnu osobinu.

Uspostavljamo mehanizme koji omogućavaju korisnicima da izraze kritičko mišljenje o našem radu.

### ***Poštujemo principe dobre saradnje***

Sa organizacijama, institucijama i licima sa kojima komuniciramo ili saradujemo rukovodimo se principima uzajamnog uvažavanja i međusobnog poštovanja i tolerancije.

Ukoliko upućujemo kritike na njihov rad, ne upotrebljavamo uvrede, laži i klevete, a pre izricanja mišljenja prikupimo sve informacije i uvjerimo se da su tačne.

Posebno vodimo računa o poštovanju ovih principa prilikom komunikacije i saradnje sa drugim organizacijama civilnog društva. Pružamo aktivnu podršku svim inicijativama civilnog društva osim ukoliko su u suprotnosti sa našim vrijednostima i principima.